

Visoki predstavnik/specijalni predstavnik Evropske unije odao priznanje organizatorima izbora, čestitao pobjednicima i pozvao da se odmah počne raditi na reformama

Jučerašnji opći izbori označili su prekretnicu za Bosnu i Hercegovinu i održani su dostojanstveno i u najboljem redu. To predstavlja priznanje naporima i sposobnostima organizatora izbora koji su po prvi put od potpisivanja Dejtonskog mirovnog sporazuma potpuno samostalno proveli izbore. Obavili su odličan posao.

U svojim preliminarnim zaključcima, Međunarodna izborna promatračka misija utvrdila je da je "način na koji su ovi izbori provedeni općenito u skladu sa međunarodnim standardima demokratskih izbora."

Posebno sam zadovoljan odazivom birača koji je na jučerašnjim izborima bio znatno veći, u apsolutnim brojkama, u odnosu na prošle opće izbore održane 2002. godine. Za to je dijelom zaslužan sistem pasivne registracije birača. Direkciji CIPS projekta i Centralnoj izbornoj komisiji treba čestitati zato što su u tako kratkom vremenskom roku uspješno uspostavili sistem pasivne registracije birača.

Povećan odaziv birača također ukazuje da su građani Bosne i Hercegovine shvatili značaj ovih izbora.

Izbori su jučer završeni. Sada je vrijeme da se krene dalje i da se počnu rješavati urgentni problemi ove zemlje.

Sve političke stranke će morati prihvatiti rezultate kako bi osigurali da organi vlasti budu formirani što je prije moguće. U ovom trenutku imamo samo preliminarne rezultate izbora. Bez obzira na to, želim čestitati pojedincima i strankama koji su ostvarili dobre rezultate. Bio sam također ohrabren konstruktivnim stavom koji su pokazali mnogi politički lideri.

Međunarodna zajednica ne treba da odlučuje o tome ko će formirati vlast. Ta odluka pripada političkim strankama i njihovim predstavnicima, i nemam namjeru učestvovati u tom procesu u bilo kojem svojstvu.

Sve stranke su upoznate sa planom reformi. Svi znaju šta je ovoj zemlji potrebno kako bi potpisala Sporazum o stabilizaciji i pridruživanju sa Evropskom unijom. Dakle, ključno pitanje nije ko će formirati vlast, već da li će ta vlast moći ispuniti to što je ovoj zemlji potrebno. Pred njima je ogroman posao.

Ova zemlja ima potencijal da krene naprijed i ja ću učiniti sve što je u mojoj moći kako bih joj pomogao u tome.